

綠筠書屋詩鈔

曾孫滋鈞謹
書牋

(三)

綠筠書屋詩鈔卷十

閩縣 葉觀國 毅庵

循陔集下

起乾隆甲午
盡乙未十月

榕城雜詠一百首

有序

昔高太史青邱嘗作姑蘇雜詠一百首 國初朱

竹垞檢討亦有鴛鴦湖櫂歌百首皆因屏居無事

敘述其鄉故蹟風物形諸吟詠余自壬辰請急里

居多暇又時有修輯邑志之役搜摭舊聞偶有所

感輒寫以短章不依倫次積成截句一百首題曰

榕城雜詠不敢上擬二公亦聊以綴輯軼事自備

遺忘云爾

泉山側畔漢時都舊蹟依微指綠蕪一自歐基遷插後

如鸞重看景純圖

治山一名泉山見前漢書遷插歐基如鸞似鳳皆郭璞遷城銘中語

一旅曾傳汗馬勞千年遺廟在江皋入關豪傑知多少

逐鹿羣中識漢高

閩越王無諸廟在釣龍臺西

歐冶名成去不還亭前古水伴雲閒純鉤神物誰能見

時有池邊舊劍環

治山下有歐冶池宋郡守程師孟建歐冶亭其側唐元和中僧惟幹濬池

得銅刀劍環數枚送藏武庫

碧光亭枕大江隈新市隄曾綺宴開夜半潮生明月上

濤聲先到越王臺

碧光亭宋時建新市隄閩王審知餞翁承贊處皆在釣龍臺側

陳迹雲烟捩眼過舊聞拈拾寄清哦角聲秋晚九樓急

燈影春宵七塔多

宋時州城有蕃宣五雲堆玉緩帶等九樓定光開元神光安福等七塔

畫樓低亞簌篷輕酒市歌樓夾岸迎見說瑯琊繁盛日

三山城似闔閭城

蔣垣榕城景物考唐時羅城南關人烟繡錯舟楫雲排兩岸酒市歌樓簫

管從柳陰榕葉中出
今安泰橋是其處也

裂土封侯爵已高倔強海上弄弓刀虞公近在終難致

枉負閩中四姓豪

謂陳寶應行春門外有虞公庵梁虞寄所居

乾符重嘯赤眉羣暴骨如麻到海濱保障鄉閭功不小

雄驍獨數九龍軍

謂陳觀察巖

巖頭矢口謠終驗劍影輒文事竟神辛苦卅年賢節度

閉門應恨後來人

王潮未至時閩人謠曰潮水來巖頭沒潮水去矢口出劍影指拜劍躍地

事王氏贊城日令陶甄者印錢文其上後地入錢氏人以爲先兆云

樂遊湖上奏清謳三昧花前曲宴留金鳳去來春燕到

可憐歌舞總無愁

樂遊曲陳金鳳爲王鏐製王昶於春餘設三昧宴見陶穀清異錄

八族衣冠集勝流冬郎垂老落閩州紅巾鳳蠟承平物

秋館無人拭淚收

韓偓卒後溫陵帥聞其家藏箱笥頗多而緘繡甚固啓視則皆其爲學士

時所得燒殘龍鳳燭及金縷紅巾百餘條見鄭文寶南唐近事

三清臺陞玉重重篤耨香燒曉露濃欲問寶皇舊宮殿

天明聽取九仙鐘

三清臺寶皇宮皆王氏建今九仙觀卽寶皇宮舊址中有玉皇閣鐘聲極

亮

一曲桑溪淺黛渟絕佳風日小蘭亭如何曾集羣賢地

寂寞雕鞍不更經

桑溪在金雞山下相傳閩越王無諸流觴處明謝在杭曹能始徐惟和兄弟嘗遊集於此各有詩小蘭亭在長樂山宋時郡守與羣僚修禊處紫陌破清晨雕鞍映畫輪郡守王達句

乾元寺是冶城基下有毬場騁望宜廿九景隨春蘚暗

圖經空自記裴詩

乾元寺唐時建晉爲紹因寺本越王治城舊處見梁克家三山志毬場在

冶山南唐刺史裴次元闢有二十九景次元爲詩二十篇

春臺館裏藥花繁欄木亭前鳥哢喧晴日街心連臂出

不從樂圃便西園

三山志每歲二月府開西園與民遊玩提刑司亦開樂圃各一月而止春

臺館在西園欄木亭在樂圃

宣政長街萬樹榕年來無復綠陰濃炎天一舍麻溪路

到此應思夾道松

宋時通衢植榕爲樾綠陰滿城行者暑不張蓋蔡君謨爲郡守令諸邑於

道旁植松自大義渡直達泉漳人呼爲夾道松

鸞鵲蒲桃入漢宮海郭杼柚易愁空清歌採後園綳散

好把新絲繡范公

宋時福州有文繡局織繡供御男女雜作無別元閩海道知事范梈作閩

州歌述其弊廉訪使奏罷之

洞裏青猿去不回荔花空向野園開釣舟吟榻風流地

付與平人築夜臺

宿猿洞在烏石山麓宋湛郎中俞隱處有荔枝甚佳稱洞中紅荔枝影裏

安吟榻菡萏香中繫釣舟宋人林迥句今南城
城外豹頭山是其舊處久已夷爲叢塚矣

江南橋水綠沄沄去馬來船戴火雲誰似松風堂上客

虛櫺面面引來薰

江南橋在臺江俗呼倉前橋松風堂在天寧山下臨江中有來薰海月二

亭宋李忠定
公讀書處

澄瀾閣畔買輕輪千頃晴波碾溼銀爲愛西湖勝

從平聲讀

似畫不知身作畫中人

澄瀾閣在西湖北岸

綠陰翠浪雨晴宜灩澦瞿塘想像時何限俊遊湖上客

高吟誰繼幼安詞

宋安撫使辛棄疾遊西湖作金縷曲詞三闕詩上二句皆本詞中語

無錢那望草堂成異代仍標宛在名也是傳高少清福

可憐烟水石階平

明傳山人汝舟擬於西湖開化寺旁築宛在堂招高石門偕隱後竟不果

今湖心有宛在堂乃國朝康熙初年所建

小艇平流刺短蒲東湖行過又南湖如今賸有浮倉色

不見熊兵跳雪珠

浮倉山在東湖心熊兵橋在南海北岸

銀袍金絡綠樽隨盡說烏山六六奇何事獨尋桃塢路

要從亭畔讀曾碑

城中楚楚銀袍子來讀曾碑有幾人宋劉后村句道山亭近蟠桃塢

登高九日盡追攀畫榼銀箏買醉還老去未宜歌吹隊

烏山不上上屏山

九口登高烏石最盛九仙次之罕有至越山者

咫尺名山金積園仙人牀上坐來溫饒他跨鯉飛昇去

何似年年醉石樽

金積園仙人牀皆在九仙山跨鯉何氏九仙事石樽越王無諸舊蹟

粉盞珠匳褪曉妝他時香塚枕前岡臙脂山似臙脂井

留與行人弔夕陽

臙脂山在城北相傳忠懿王郡主梳妝樓在焉陳金鳳李春鷺死皆葬此

甘露堂開春晝晴傾筐會裏集傾城緋桃素李皆麤俗

惟有清人樹最清

甘露堂閩王時建前有茶樹二株官中人呼爲清人樹每春月設傾筐會

馬牧山前敵騎呼鯨吞蛇鬪日相圖斜陽戰坂秋風起

折戟沙中定有無

王氏既亡李仁達自稱留後排軍使馬捷引南唐兵自馬牧山拔寨而入

戰坂在城北十里李仁達與南唐兵鏖戰處

天柱孤標入杳冥梁山深處駐仙靈空江雨歇明殘照

百六遙峯一色青

天柱峯在方山葫蘆山一名梁山上有五仙巖自方山至葫蘆山凡百六

峯十

登盤生菜綠絲柔又見銀幡曉上頭欲問今年年歲好

行春門外看春牛

三山志立春前一日迎土牛傾城出觀以占農耕之早晚與歲之豐瘠

看場開處賞元宵墜履遺釵湧夜潮千點銀燈萬條燭

多應供照轉三橋

舊俗元夕婦女從數橋上經過謂之轉三橋見謝在杭五雜組

瓜蓮勝會夏晴初，刳豕烹羊走皂閭。野老愛談釣龍事，

錯將餘善認無諸。

每歲六月中舉瓜蓮會祀閩越王，無諸按舊記釣龍，乃越王餘善事。

鄰霄秋夜乞熊祥，金獸凝烟蕪異香。歸路參差雲髻影，

大航橋上月如霜。

舊俗中秋士女登烏石山進香，明陳薦夫烏石進香詞有鄰霄高臺祠帝

女及熊祥乞歸碧霞館之句，刊在橋舊名大航橋。

潮田兩熟早抽尖，六月金洲落短鎌。待到橙黃霜降後，

占城炊作十分黏。

稻早熟者曰金洲，晚熟者曰占城。

箋香臺畔送風箏，萬里秋光碧落晴。遠客乍看驚節物，

重陽遮莫是清明。

紙鳶俗謂之風箏，嘗於清明前後放之。唐徐夙詩：春風卻放紙爲鳶，是也。

獨閩俗以九日簪箋香臺在烏石山。

候近入梅先憚暑旬逢出液始成冬兩潮水到烏篷集

四序花開翠館穠

俗以立夏後逢庚日爲入梅芒種後逢壬日爲出梅見五雜俎又立冬後

遇壬日謂之入液至小雪出液見稗史彙編

江濬早市上黃瓜馬甲乘潮作玉誇方法厨孃分付罷

雙餅直益問藍家

黃花魚亦稱黃瓜卽石首魚江瑤柱一名馬甲福州酒以藍家直益爲上

紛綸海錯疏難稽飽送香秔勝露雞待得子魚通印上

銀羹玉鱠一時低

明林敏撰閩中海錯疏六卷唐李柔入閩謂鱣魚爲銀羹水母爲玉鱠

法雲白蜜舊知名長慶中冠

亦作中觀

品更精閩要誇閩粵

誇粵莫將耳食錯題評

法雲寺白蜜長慶寺中冠皆荔品之佳者粵人誇粵閩誇閩次

第胸中我能審朱竹垞句

蔡譜何如徐譜詳紅雲社上列筠筐佳人休怨沙叱利

配與將軍十八娘

徐興公撰有荔枝通譜三十卷又嘗作餐荔會名紅雲社將軍十八娘皆

荔名

賣罷荔枝節又新紛紛餘果總非珍曉來忽聽唱龍眼

壓甌明珠也可人

唱龍眼語載周亮工閩小紀

海上朱諸最有名爛蒸飽啖比霜杭玉延玉糝雖同譜

只供山家骨董羹

花務名花種種強不如末麗十分香梭籃滿貯樓前過

盡上匳臺助晚妝

舊有百花務在今花巷內昔人謂閩中果有荔枝花有未麗皆天下所無

斗室深深香氣濃素心蘭藥幾盆供菰蘆一出都梁別

丰格多從夢裏逢

春塘處處吠官蛙
荔圃梅園翠影加
數里忽疑行薜蔔

不知香樹是拋花

閩中呼柚爲拋五雜組拋花白色似玉蘭其香酷烈諸花無與敵者

艾綠瓜瓢斲遠岑
兩篇觀石錄瑤琳
貴人總愛田坑好

幽洞曾愁斧鑿尋

國朝高處士兆毛太史奇齡皆撰有觀石錄

乞得枯槎瘦石姿
百年流落歎支離
不知供向山齋後

拂拭泥塵更是誰

明許黃門天錫奉使安南於僧寮得枯木一片狀若峯巒攜歸供玩刻詩

其上海流落他所里人高景倩見之乞歸置齋頭名其齋曰木山同社作詩紀其事見徐氏筆精

閩山廟裏看燈回
火齊冰紈滿案堆
怪道臨風三弄好

開元寺買紙簫來

舊俗燈節神廟中各出珍奇故諺有閩山廟鬪寶之語相傳開元寺紙簫

甚佳品在
好竹之上

山川秀發從西晉科第聯翩自李唐鄉里至今誇巷陌

鳳池坊對桂枝坊

鳳池坊在城東爲宋狀元許將立桂枝坊在城西爲唐進士陳去疾立

深閨解說韓憑事下里能傳黃鵠歌西出迎仙北遺愛

兩行烏楔路旁多

省城貞節坊西北兩門外最多

字格簪花戶戶能愛攜宋硯近圓冰蠻牋十樣愁難致

小幅隨宜赤岸藤

謝方伯肇淞謂吾鄉宋硯最多目擊不下百數圓冰小鏡名舊志載侯官

赤岸出
薄藤紙

一灣流水隔紅塵榴洞桃源等避秦卻惜藍超太輕率

周旋不及武陵人

榴花洞在東山相傳藍超遇隱者處事見閩中實錄

慶城寺畔望翔鯤述德遺碑左碱存見說年年春節到

一九泥向廟前掀

忠懿王廟在慶城寺左有唐于兢宋錢昱二碑翔鯤祠貌古曹能始謁王

廟句閩小紀載每歲迎春必於忠懿王廟前乞土作土牛始成

通文弊政永和同更遣旁人笑永隆光逸捐軀黃峻請

知幾誰似紫薇公

永和王鏐偽號通文王昶偽號永隆延義偽號延義既立黃峻曰合非永

隆恐是大昏元年紫薇公不著姓氏避王氏之亂隱葫蘆山不仕有異術

藥鼎砂牀杳莫尋鳳邱舊隱白雲深神仙未必皆虛誕

尚有磨厓識鶴林

鳳邱山距城東五里許宋鶴林真人彭耜修煉於此有朱子鳳邱鶴林四

大字刻於巖壁

花間行印笑傳杯光祿風流實曠哉初地已隨賢劫換

不同壤滅有吟臺

光祿吟臺宋郡守程太卿師孟遺蹟在法祥院今爲民居花間行印露霑

紙山下放衙雲
滿旗程太卿句

羣峯銜尾盡南馳聚作屏山一阜奇不信龍腰須護惜

請君立馬讀殘碑

龍腰卽越王山之半蟠城外者舊有護脈巨碑見閩都記

啓聖門前望鬱攸蒼黃玉輦逐鴛鴦行人莫上梧桐嶺

樹樹先秋惹客愁

梧桐嶺距城北二十里許閩主昶避難至此遇害

薰風隴上眺烟鬟左相留題翠靄閣不與趙家爲福地

平山南去是厓山

平山距城東南三十里許宋少帝航海時駐兵於此有丞相陳宜中手書

平山福地四字刻於石薰風隴在其旁

萬壑東傾一與塘羅星塔正立中央舵樓風細聽鈴語